

## **Kagulu - Wanawake Amatulomo - Wives Scriptures**

**WaEfeso 5:22-24 Anyeye muwanawake wahulikisiseni wagosi wenu kifana kumuhulika Mundewa, 23 kosoko mugosi no ditwi dye mwanamuke kifana Kilisito fo ye ditwi dye dikanisa mutufi na imwene no Mwihula. 24 kifana dikanisa fodikumuhulika Kilisito basi wanawake nawo wawahulike wagosi wawo kwa chila chinhu.**

**WaEfeso 5:31,33 kosoko ya iyo mugosi yakuleka iBabakwe ne ing'ina na kiyandamila ne muke, nawo weli wakuwa mutufi umwedu. 33 Ninga chila munhu yamwende imuke fina foyakiyenda imwecho na imufele yanghaleke kumogoha imulume.**

**1 WaKolinto 7:3-5 Imugosi yagolose fina foikuhanangigwa kwe imuke ne imuke yagolose fina foikuhanangigwa kwe imugosi wakwe 4 Imwanamuke kechaka udaha muchanhya yo umutufi wakwe ninga imwanamuke wakwe kenawo. 5 Munghaleke kwikala hamwedu labuda muwe mwifumilisa kugolosa nhaifo kwa chipisi chidodogi kosoko yo kutasa. Kahi mukiyuwile chimwande kosoko iluhoma yangheje yewagesa kosoko musikudaha kugendelela kuleka kwikala hamwedu.**

**1 WaKolinto 7:34 Kahi kagawanyika. Imwanamuke nghatoligwe ama bikila yakiidasika ne simbuli se Mundewa, yakuwaje musunhile mumutufi ne chimuhe, ninga imwanamuke yatoligwe yakidasika ne mbuli se chilunga, kosoko yakuhananga yamwendese imugosi wakwe.**

**WaKolosai 3:18 Anyeye muwanawake muwahulike awalume senu, ifene foyagilwe mwi Mundewa.**

**1 Timoseyo 2:11-15 Imwanamuke yefuse muusindamafu na kwa chogoho chose. 12 Sikumwingha mwanamuke luneka Iwa kufusa hegu kuwalongosa wagosi; yekuhanangigwa yanyamale twi. 13 Kosoko Adamu noyakonga kumbigwa, kamei Hawa; 14 kahi Adamu siyadanhiliswa, ninga imwanamuke noyadanhiliswa na kugwila muwihi. 15 Ninga imwanamuke kodaha kwihuligwa kugendela icheleko chakwe, yanghagendelela mwihuwi na uwendo na usunhile hamwedu na usindamafu.**

**Kunghonga 3:16 - 1 Petulo 3:1-6 Anye nanye muwanawake wahulikeni wagosi wenu uleke halika wauko awasikwandamila imbuli**

**wayandamile kwa kulanga nhenda swanu sa wanawake wawo, 2 nomoo wakona uswanu na chogoho mumikalile yenu. 3 Kahi kihamba kwenu kunghowe kunje yo mutufi kwa njwili sa sahabu na kufala fiswanu, 4 ninga uswanu wo kihamba kwenu uwe kulawa kusi ye fidoga fye mimoyo imiswanu ikwendesa hamwande ye Mulungu. 5 Nhafi nofo yowile kuwanawake awasunhile wene dihuwi kwe Mulungu wakihambage awecho na kuwahulika wagosi wawo, 6 kifana Sala foyamuhulika mugosi wakwe Ibulahimu na kumwinanga mundewa. Na hambiya nyeye mugaluka wanagwe munhagolosa maswanu bila itisi dyodyose.**

**Tito 2:1-5 Ninga gweye, fusa amafuso go uwumi. 2 Uwalagise awasehe wanghowe na makulu, ninga wowe wasindamafu, wowe na mahala, womi mwihuwi na muuwendo na mungojela. 3 Uwalagise kahi awadala wowe wasindamafu, wanghowe wasigilaji, hegú wonywaji wo ugimbi lugano; ninga awekufusa iswanu, 4 kahi na kuwafusa awanawake awadodogi wawende awalume sawo na wana, 5 wowe na chihuliko, usunhile, kutogoma milimo musinyumba sawo, waswamu, wowe na chihuliko kuwalume sawo, uleke imbuli ye mulungu inghatofuligwe.**

**1 WaKolinto 11:5-7,10 Kahe mwanamuke wowose yakutasa ama kuhibili Imbuli swamu akuno nghagubike iditwi dyakwe yakwigala chinala kwe mugosi wakwe. Ni kifana itwi dyakwe digetigwa. 6 Ninga imwanamuke yanghaleka kugubika ditwi dyakwe yakuhanangigwa yagete sinjwili sakwe, ama inghowa ni chinala kwe mwanamuke kugetigwa, uleke yagubike ditwi dyakwe. 7 Kosoko imugosi nghakuhananangigwa kugubika ditwi dyakwe, kosoko imwene no mufano ne ditunyo dye Mulungu; amba imwanamuke ni ditunyo dye mugosi; 10 Kosoko yo imwanamuke yakuhanangigwa yegubike iditwi dyakwe kosoko ya malaika.**

**Mbasi 12:4; 14:1; 19:13; 21:9,19; 25:24; & 27:15,16 - contentious & angry wanawake**

**Mbasi 31:10-31 - The Virtuous wanawake**